



Broj: 01-04-634/22-AP-5  
Datum: 28.02.2022. godine

Na osnovu člana 2.2 i 2.12. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21, 73/21, 1/22 i 13/22) i člana 1. Odluke o objavljivanju Javnog oglasa za imenovanje jednog člana Općinske izborne komisije Zavidovići, broj: 01-04-634/22-AP-4 od 28.02.2022. godine, Općinsko vijeće Zavidovići na 14. sjednici održanoj dana 28.02.2022. godine, objavljuje

## JAVNI OGLAS za imenovanje jednog člana Općinske izborne komisije Zavidovići

### I

Objavljuje se Javni oglas za imenovanje jednog člana Općinske izborne komisije Zavidovići.

Član Općinske izborne komisije Zavidovići imenuje Općinsko vijeće, uz saglasnost Centralne izborne komisije BiH na period od 7 (sedam) godina, koji traje od dana dobijanja saglasnosti.

Kandidati za člana Općinske izborne komisije moraju ispunjavati opće uslove:

1. da je osoba sa pravom glasa,
2. da je osoba koja posjeduje odgovarajuću stručnu spremu i iskustvo u provođenju izbora.

### II

(1) Pored općih uslova iz tačke I. ovog Oglasa, osoba koja je kandidat za člana Općinske izborne komisije mora ispunjavati slijedeće posebne uslove:

- a) da ima prebivalište na području općine Zavidovići,
- b) da ima završen fakultet, odnosno VII / 1 stepen stručne spreme ili završen fakultet Bolonjskog sistema studija sa najmanje 180 ETCS i
- c) da posjeduje iskustvo u provođenju izbora.

(2) Pod iskustvom u provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima obuhvaćenim Izbornim zakonom BiH.

### III

(1) Sastav Općinske izborne komisije treba biti multietničan, tako da odražava zastupljenost konstitutivnih naroda, uključujući i ostale, u izbornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou.

(2) U sastav Općinske izborne komisije nastojat će se osigurati zastupljenost polova u skladu sa Zakonom o ravnopravnosti polova u Bosni i Hercegovini.

#### IV

Član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona BiH, a nemaju smetnji iz člana 2.3. Izbornog zakona BiH.

#### V

(1) Za člana Općinske izborne komisije ne može biti imenovano lice (član 2.3 Izbornog zakona BiH):

1. koje se ne može kandidovati u smislu odredbi člana 1.6, 1.7. i 1.7.a) Izbornog zakona BiH;

2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),

3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav (4) Izbornog zakona Bosne i Hercegovine,

4. koje je kandidat za izbore za bilo koji nivo vlasti,

5. kojem je izrečena kazna za radnju koja predstavlja težu povredu izbornog zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

(2) Za člana Općinske izborne komisije ne može biti imenovan zastupnik, odnosno punomoćnik političkog subjekta, koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže (član 2.12. stav (7) Izbornog zakona BiH).

(3) Za člana Općinske izborne komisije ne može biti imenovano lice koje obavlja izvršnu funkciju, kako je utvrđeno odredbom člana 1.8. (6) Izbornog zakona BiH niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

#### VI

Za učešće na Javni oglas potrebno je dostaviti slijedeću dokumentaciju:

1. Prijava o učešću na Javni oglas, koja sadrži:

- kontakt podatke podnosioca prijave (ime, prezime, ime oca, jedinstveni matični broj, tačna adresa, broj telefona za kontakt),
- listu dostavljenih dokumenata,
- svojeručni potpis podnosioca prijave.

2. Dokaz o stručnoj spremi kandidata (ovjerena kopiju diplome o stečenoj stručnoj spremi, nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma).

3. Dokaz o izbornom iskustvu kandidata u provođenju izbora, (potrebno je da sadrži podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je kandidat bio član biračkog odbora, te podatak da je kandidat bio angažovan u radu biračkog odbora i obavljao ovu dužnost),

4. Dokaz o naučnom zvanju i / ili položenom pravosudnom ispitu i / ili o nosiocu pravosudne funkcije i / ili prisustvo obukama u organizaciji Centralne izborne komisije BiH (u koliko kandidat posjeduje navedeno).

5. Obrazac PBA-3 o prebivalištu kandidata (ne starije od 3 mjeseca, od dana izdavanja od strane nadležnog organa).

6. Izjavu o nacionalnom izjašnjenju kandidata sa posljednjeg popisa stanovništva u Bosni i Hercegovini, svojeručno potpisanu i ovjerenu od nadležnog organa.
7. Izjava kandidata da nije obuhvaćen odredbama člana 2.3. Izbornog zakona BiH, svojeručno potpisanu i ovjerenu od strane nadležnog organa.

## VII

Javni oglas će se objaviti u dnevnim novinama „Oslobođenje“, web stranici Općine Zavidovići [www.zavidovici.ba](http://www.zavidovici.ba) i oglasnoj ploči Općine Zavidovići.

Rok za podnošenje prijava je 8 dana od dana objave u dnevnim novinama „Oslobođenje“.

Prijavu sa potrebnom dokumentacijom treba dostaviti lično ili preporučenom poštom na adresu: **OPĆINA ZAVIDOVIĆI - Konkursna komisija, Ulica Safvet-bega Bašagića, b.b. 72220 Zavidovići, sa naznakom “Javni oglas za imenovanje jednog člana Općinske izborne komisije - NE OTVARAJ”.**

Proceduru izbora kandidata provest će Konkursna komisija.

Dokumenti koji se prilažu uz prijavu moraju biti original ili ovjerene kopije.

Lista pitanja za intervju sa kandidatima bez odgovora na pitanja, objavljena je na internet stranici Centralne izborne komisije BiH.

Kandidati koji pristupe intervju, dužni su komisiji dati na uvid važeći identifikacioni dokument.

Nepotpune i neblagovremene prijave neće se uzimati u razmatranje.

PREDSJEDAVAJUĆA  
OPĆINSKOG VIJEĆA

mr. iur. Erna Merdić Smailhodžić